

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U BIHAĆU
Broj: 17 0 St 116855 21 St
Bihać, 03.11.2021. godine

Općinski sud u Bihaću, stečajni sudija Dino Muslić, povodom prijedloga predlagača d.o.o. GALERIJA Cazin, Ulica Saliha Omerčevića bb, koga zastupa direktor društva Abdulah Zulić, a njega punomoćnik Adnan Šehić, advokat iz Velike Kladuše, da se nad imovinom pravne osobe d.o.o. GALERIJA Cazin, otvori stečajni postupak, van ročišta, dana 03.11.2021. godine donio je

RJEŠENJE

I Za povjerenika u privrednom društvu d.o.o. GALERIJA Cazin, imenuje se Aldin Bajrić iz Cazina.

Obaveze povjerenika su da:

- ispita stanje imovine i poslovanje dužnika,
- sačini popis potraživanja povjerilaca, unese u tabelu prijavljenih potraživanja i zajedno sa pristiglim prijavama potraživanja i priložima, dostavi sudu radi objavljivanja na oglasnoj tabli suda, web stranici suda -elektronskoj tabli suda, u "Službenom novinama Federacije BiH" i na internet stranici FIA-e, u roku osam dana od dana isteka roka za prijavu potraživanja,
- sačini popis radnika stečajnog dužnika i obračuna njihova potraživanja u skladu sa propisima i upozna ih sa visinom potraživanja unesenih u tabelu prijavljenih potraživanja,
- dostavi sudu prikupljenu dokumentaciju koja se odnosi na potraživanja povjerilaca u roku od osam dana od dana isteka roka u kojem povjerioci mogu osporiti prijavljena potraživanja,
- objavi dokumentaciju koja naknadno pristigne, na oglasnoj ploči dužnika i/ili web stranici dužnika,
- izjasni se o potraživanjima, tj. da li prijavu potraživanja smatra osnovanom ili prijavu osporava, kao i razloge osporavanja prijave, te da unese podatke u tabelu prijavljenih potraživanja,
- ospori potraživanja ako na osnovu saopćenja povjerilaca ili iz nekog drugog razloga posumnja u njihovo postojanje,
- nadgleda poslovanje dužnika, a posebno finansijsko poslovanje dužnika, stvaranje obaveza prema trećim licima, izdavanje sredstava osiguranja plaćanja, poslovanje u prodaji robe, odnosno usluga, pazeći pri tome da se ne oštećuje imovina dužnika,
- izvrši procjenu o stepenu namirenja povjerilaca u slučaju vođenja stečajnog postupka nad dužnikom,
- daje mišljenje o tome da li su ispunjeni uslovi za zaključenje predstečajnog postupka i provodivosti predstečajnog postupka u praksi,
- povjerenik može angažovati revizora, vještaka ili drugog stručnjaka,
- podnese prijavu sudu ako dužnik postupa protivno odredbama ovog zakona,
- nadzire pravovremenost i potpunost namirenja troškova predstečajnog postupka,
- obavlja i druge poslove u skladu sa ovim zakonom.

Povjerenik je dužan podnijeti svoj izvještaj ovom sudu u roku od 30 dana od dana donošenja ovog rješenja, u kojem će izvijestiti o poduzetim radnjama i iznijeti svoje stručno mišljenje o zatečenom stanju.

II Ovo se rješenje objavljuje u "Službenim novinama F BiH" Sarajevo, na web stranici suda i na oglasnoj tabli suda, te se isto dostavlja i FIA Sarajevo.

III Pozivaju se povjerioci da u roku od 15 dana od dana objave rješenja prijave sudu svoja potraživanja, pozivaju se razlučni povjerioci da uz prijavu potraživanja dostave podatke o svojim pravima, pravnom osnovu razlučnog prava i dijelu imovine dužnika na koje se odnosi njihovo razlučno pravo. Pozivaju se izlučni povjerioci da dostave podatke o svojim pravima, pravnoj osnovi izlučnog prava i dijelu imovine dužnika na koje se odnosi njihovo izlučno pravo.

IV Upućuju se ostali pozivi u skladu sa odredbom člana 39. stav 2. tačka d), dž), e), f), g) Zakona o stečaju.

O b r a z l o ž e n j e

Punomoćnik stečajnog dužnika kao predlagač je ovom sudu dana 14.09.2021. godine, podnio prijedlog za otvaranje stečajnog postupka nad imovinom dužnika d.o.o. GALERIJA Cazin, s tvrdnjom da je društvo upisano u sudski registar Općinskog suda u Bihaću matični broj subjekta upisa 1-418-00 došlo do poteškoća u poslovanju preduzeća, da dužnik već duže vrijeme ima problema sa podmirivanjem obaveza i gubitak se svakim danom povećava, da su računi kod komercijalnih banaka blokirani, da je zbog toga dužnik platežno nesposoban i predlaže da sud nakon što u prethodnom stečajnom postupku utvrdi platežnu nesposobnost dužnika donese rješenje o otvaranju stečajnog postupka nad d.o.o. GALERIJA Cazin.

Sud je izvršio uvid u isprave priložene uz prijedlog i to prijedlog za otvaranje stečajnog postupka od 14.09.2021. godine, Aktuelni izvod iz sudskog registra za društvo d.o.o. GALERIJA Cazin od 13.09.2021. godine, Bruto-bilans na dan 01.01.2020. godine.

Kako bi se utvrdilo postoje li uvjeti za otvaranje stečajnog postupka i radi osiguranja buduće stečajne mase, po ocjeni ovog suda, potrebno je imenovati povjerenika koji će ubuduće vršiti kontrolu nad imovinom stečajnog dužnika, pa je iz tog razloga, a na osnovu člana 28. tačka a) i b) i člana 39. Zakona o stečaju ("Službene novine FBiH" broj 53/07), sud odlučio kao u izreci rješenja.

Pouka o pravnom lijeku:

Protiv ovog rješenja može se izjaviti žalba u roku od osam (8) dana od dana objavljivanja rješenja Kantonalnom sudu u Bihaću, putem ovog suda, u dovoljnom broju primjeraka. Žalba ne odlaže izvršenje rješenja.

Stečajni sudija
Dino Muslić

